

zaoterdag**zundag****31****1****december**

week 52

jannewaori

Veul heil en zegen in 't ni'je jaor
 Hej' de knieperties al klaor?

Ik lusse d'r wel een stok of zesse
 En ok nog wel wat uut de flesse.

(Optekend deur Roely Bakker, Makkinge)

**2011/2012****Et laand van Lende en Kuunder (2)**

Ok de Kuunder ontspringt in Oost-Stellinwarf. Mar de Kuunder bestaot daor eerst uut drie kleinere stroompies die bi'j mekere kommen. Et gaot om et Kleindiep, et Grootdiep en de Boven-Kuunder, die vormen dus mit mekere de Kuunder. Ok de Kuunder stroomt naor et westen toe, en kwam krek as de Lende uut in de Zuderzee bi'j et dörp De Kuunder. Van de Kuunder, die ok wel Tjonger of Tsjonger nuumd wodt, is vule meer een kanaal maekt as van de Lende. Et is aenlik ien recht veerwaeter, alliend et Kleindiep, Grootdiep en de Boven-Kuunder kronkelen nog aorig deur et laandschop. Van beide revieren bin nog oolde meanders te vienen: van de Kuunder is dat o.e. et geval in et prachtige netuurgebied Delleburen bi'j Berkoop, en van de Lende in de Lendevallei bi'j Steggerde.

Van mit naeme de revier de Lende bin ok een peer prachtige volksverhaelen bekend. Mar et jaor is omme en de kelinderblatties bin op. Dus zuwwe die verhaelties mar veur een volgende kelinder beweren?? We weensken jim van dit plak of een allemachtig best 2012 toe, en tot kiek es!